

Нафл намоз вақtlари



16:06 / 06.02.2020 51125

Савол:

Ассалому алайкум. Қазо, нафл, таҳажжуд намозларини қайси вақтларда ўқисак яхши бўлади? Масалан, бомдод ва пешин, пешин ва аср, аср ва шом, шом ва хуфтон намозлари орасида қазо, нафл ёки таҳажжуд намозларини ўқисак бўладими?

Жавоб: Бисмиллаҳир Роҳманир Роҳийм

Таҳажжуд намозининг энг афзал вақти кечанинг охиригидан биридир.

Субҳдан кейин унинг суннатидан бошқа нафл макруҳдир. Шунингдек, аср адо қилинганидан кейин то қуёш ботгунча ҳам нафл ўқилмайди.

رَمُعْ مَهِيْفَنَ وَيُضَرِّمُ لِحَرْيَدْنَعِ دَيْشَ: لِقَاقُ نَأْمُ نَعُ هَلْ لِي ضَرَّ سَابَعُ نَبَانَعِ
ةَالَصَّ دَعْبِ ةَالَصَّ نَعِ يَنَ مَلَسُو هَلْ لِي لَصْرَهَلْ لِي لُؤْسَرَّ نَأْمُ عِي دْنَعِ مَهَاضْرَأَو
ةَسْمَخْلُ هَأَوْرَبْرَعَتِ يَحْرُصْ عِلْ دَعْبَو، سْمَشْ لِي لَطَطِ يَحْرُحْ بَصَلْ لِي

Ибн Аббос розияллоху анхумодан ривоят қилинади:

«Менга энг рози бўлинган кишилар гувоҳлик бердилар. Уларнинг ичида энг рози бўлингани Умардир: «Албатта, Расулуллоҳ соллаллоху алайҳи васаллам бомдод намозидан кейин то қуёш чиққунча ва асрдан кейин (қуёш) ботгунча намоз ўқишдан қайтарганлар».

Бешовлари ривоят қилишган.

Бу икки вақтда нафл намоз ўқиш макруҳдир. Тиловат саждаси, жаноза намози ва қазо намоз ўқиса жоиз.

Уламоларимиз мазкур далиллар ва улардан бошқа ҳужжатлару қоидаларни ишга солиб, намоз ўқиш ҳаром ёки макруҳ бўлган вақтларни тартибли равишда баён қилиб берганлар.

Ҳанафий мазҳаби бўйича, қуйидаги вақтларда барча намозларни ўқиш ҳаромдир:

1. Қуёш чиқаётган пайтда.
2. Қуёш қиёмга келган вақтда (жума куни мустасно).
3. Қуёш ботаётган пайтда.

Қуйидаги вақтларда нафл ўқиш ҳаром:

4. Бомдод намози фарзини ўқигандан то қуёш найза бўйи кўтарилгунча.
5. Аср намози фарзини ўқигандан то қуёш ботгунча.

Ҳанафий мазҳаби бўйича, қуйидаги вақтларда ҳам нафл намозлари ўқиш макруҳдир.

6. Тонг отгандан сўнг бомдоднинг суннатидан бошқа намозларни ўқиш.
- Бунинг далили:

هَلْ لِي لَصْرَهَلْ لِي لُؤْسَرَّ اَنْ يَلَعَجَّ حَخ: لِقَاقُ نَأْمُ نَعُ هَلْ لِي ضَرَّ رَمُعْ نَبَانَعِ هَلْ لِي دَبَعُ نَعِ
«نَيَّ عَكَرَ اِلْرُحْفُ لِدَعْبِ ةَالَصَّ اَل» لِقَاقُ فْلِدَعْبِ يَلَصُّ نُنْحَنُو مَلَسُو هَلْ لِي
يِنَ اَرَبَّ طَلْ هَأَوْرَبْرَعَتِ

Абдуллоҳ ибн Умар розияллоҳу анҳудан ривоят қилинади:

«Расулуллоҳ соллаллоҳу алайҳи васаллам олдимизга чиқдилар. Биз фажрдан кейин намоз ўқиётган эдик. Шунда у зот: «Фажрдан кейин бомдоднинг икки ракъат суннатидан бошқа намоз йўқ», дедилар».

Табароний ривоят қилган.

7. Шом намозидан олдин нафл ўқиш. Чунки шом намозини тез ўқишга амрлар бор. Ундан олдин нафл ўқиш шомни кечиктириш бўлади.

8. Жума, ийд, ҳаж, никоҳ, кусуф ва истисқо хутбалари бўлиб турган вақтда. Бу вақт имом минбарга чиққандан то намозни ўқиб бўлгунича давом этади.

9. Ийд намозидан олдин ва кейин.

10. Фарз намозга иқома айтилганда. Фақат бомдоднинг суннатини тезда, фарзга улгуриш шарти билан ўқиб олиш жоиз.

Валлоҳу аълам.

«Зикр аҳлидан сўранг» китобидан